



*Komunikadu Imprensa*

*Periodu: Marsu 2011*

*Edisaun: 10 Marsu, 2011*

### **JSMP realiza treinamentu ba lider comunidade feto iha Suco Lauala Distrito Ermera**

Iha loron 02 fulan Marsu tinan 2011, Judicial System Monitoring Programme ka JSMP, liu husi Unidade Justisa ba Feto realiza aktividade treinamentu ba membrus comunidade feto iha Suco Lauala Distrito Ermera. Aktividade treinamentu ne'e hetan partisipasaun masimu husi lider comunidade feto no hetan apoiu masimu husi estrutura iha suco refere ne'ebé kolabora hamutuk ba realizasaun programa treinamentu ne'e.

Objetivu husi treinamentu ne'e maka atu hasa'e koñesimentu ba lider comunidade feto sobre asesu ba justisa formal, tanbá konsidera katak lider comunidade sai hanesan primeiru rekursu ba feto sira iha suco laran nune'é mos nudar parseiru servisu ba prevensaun violénsia bázeia ba jéneru.

Diretór JSMP, Luis de Oliveira Sampaio haktuir katak, *atividades ne'e sai nu'udar pasu importante ida ba prosesu divulgasaun informasaun konabá Lei Kontra Violénsia Doméstika, Kódigu Penál no Kódigu Prosesu Penal. Autóridade Komunitariu sira nu'udar pilares xave iha comunidade laran nune'é importante atu hakbiit sira nia koñesimentu iha area lei nian hodi apoiu ba vítima sira husi krime violénsia bazeia ba jéneru.*

Aleinde programa divulgasaun lei, JSMP mós komesa aprosima lider comunidade feto ne'ebé iha poténsia hodi bele ajuda feto sira ne'ebé hasoru violénsia iha sira nia suco laran, nune'é bele lao tuir prosedimentu legál ne'ebé defini ona iha Lei Kontra Violénsia Doméstika.

Depois de realiza tiha aktividade treinamentu lider comunidade feto bele kompriende prosedimentu legál ba kazu krime no direitu baziku ne'ebé determina ona iha lei.

Tuir observasaun JSMP ba aktividade treinamentu ne'e katak, partisipantes barak ativu liu-liu iha prosesu hato'o perguntas no diskusaun ne'ebé fasilitador kria hodi provoka ideias husi partisipantes sira.

Partisipantes husi Suco Lauala mós rekomenda ba JSMP atu bele kontinua realiza aktividade treinamentu ne'ebé nakloke ba estrutura suco hotu partisipa, nune'é sira bele kumpriende konabá oinsa atu bele prosesu kazu krime tuir prosesu justisa formal.

*Atu hetan informasaun kompleitu kontaktu;*

*Luis de Oliveira Sampaio*

*Direitor ezekutivu JSMP*

*Email; [lui@jsmp.minihub.org](mailto:lui@jsmp.minihub.org)*

*Tel; 3323883/7295795*